

文溫州集

四冊

一

首冊有跋

吾鄉文氏多通才宗儒其首也啟此為陳氏

晚翠軒舊感余自居伯剛處得之余喜

儲明辛凡嘉靖以上書映輒置諸篋行先

後約有六七十種近日書價昂貴無力購弄此

集以銀圓柒拾枚易之今歲止辦此種而已矣

丙十二月霜月吳梅



蘇州吳梅


字景安別號霜厓
1881—1939

藏書



文温州集目錄

卷之一 古今詩



詩

卷之二 交游倡和諸公之作並附



詩

卷之三

奏議

卷之四

奏議

卷之五

奏議

卷之六

書

卷之七

公移

卷之八

記 序

卷之九

墓誌 墓表

卷之十

祭文 哀辭

卷之十一

雜著

卷之十二 附錄



文温州集卷之一 古今詩一百三

中順大夫湖州文林宗儒

冬日感興

落木園林空方池水深碧物色垂澹清湛然屏人跡
杖藜撫孤松復坐松下石西山入懷青寒鳥斂歸翮
浩浩宇宙間流光自相迫大化豈有終初陽潛地脉

送秦良翰

有客出長安黃埃漫烏幘四月天氣寒涼風遍郊澤
堤柳積重陰鶯鳴度瑤席念子歸故鄉羈懷余轉惻
吳山高峴峨吳水清且碧孤松白雲開涼露翠欲滴
天光發宇宙盤坦竟朝夕北溟有巨魚千年養鵬翮
風微不運 閉溟隔豈比鶴鷗翔去 無所擇

伊呂昭功名志在隱逸良賈不入城所蘊有佳璧
去住何足憂世事皆博奕

永嘉縣齋寫懷

墨綬垂青絲銅符寵郎秩駕言謝朝行出領滄海邑
脉脉辭親知依依去鄉國淅行僅千里已在東南僻
地遠煩刑誅年貧正艱食自顧書生愚疇堪付休戚
流移已懷慚征歛况余躋平生跌宕懷雅志山水適
及此東嘉遊清真信靈域豈無康樂情坐有民社責
歛板事承迎鈎稽困文籍拂意不能歸自愧陶彭澤

別袁太平德純

南國有畸人月恒與之俱雲裳紉蘭茝飄飄凌堪輿
好修去凡近言嘗遊舜都道路坦不遐太上遺廣居

悠然入燕息煩痾條祛除顧茲歷履佳墊溺誰與扶
紆轡東海濱荆棘交長途我轅幾不復正立長嗟吁
長波弱砥柱珉重無璠璣浮名同野馬造化惟吾徒
言既別我去明月升天衢寥廓湛虛寂令人增歛歎

郡檄督泰順銀課

暑月使泰順清晨備結束僕夫艱負戴輿馬苦躑躅
復嶺踵迴岡山勢多起伏升高如梯雲或下入深谷
或坦如周行或輪如鈎曲幽草不辨名巖花競紅綠
陰深霧不消慘澹雲相逐綠山壘石田絕壁綴茅屋
雲開覩雞犬依然自耕牧聖朝奮九有此地本蠻族
近年亦貢金國用豈不足山人走相訴連歲苦不
熟宿逋未能新欠已相續昨日賣一男今併妻女

鬻盡斷骨肉忍不救誅求酷我意山中幽誅茅思卜
築聞此重感傷書生真竊祿安得乞身歸免食饑民
肉

博平春半述懷

土城半頽人十戶月出無烟望多樹樹枯自念天正
寒雪消忽計春將暮却憐青帝亦世情可柰東風不
相顧野老立庭言貌古漫呼爾汝忘官府府牒聯翩
呵不辦從吏木僵心益苦直性不揖督郵怒獨抱瑤
琴調鶴舞平生肯落塵網牽居然朗誦逍遙篇天地
造化一鑪冶萬物銷鑄猶銅鉛嫫媠施朱西子醜松
栢黯澹桃李鮮浮名富貴聊爾耳有酒北窓高枕眠
不能作書上宰相不能內徙如登仙不能飽和淵明

詩不能遺愛受一錢簿書往復抵押字官舍間寂堪
逃禪饑民且勿向我泣我不謀遷歛爾急今年莫怨
役不均新來縣官難處分

洗堂雨歌

吾儂作縣太認真兀坐常類木偶人事來面前得喜
怒學踈心上迷經綸春冬苦旱半年急晝夜秉熱雙
眉鬢幾回豐隆黯欲滴展轉風伯晴揚塵欲扳北斗
傾海水竟無馬鬣翻天津天關謹鑰叩不應神龍掘
項撼莫伸痴兒盡心了公事吾知作堂安吾身衆謂
堂成必有雨我言欲雨堂何補人心能致天地位民
力偏嫌木殄苦堂完二月三十晚星潢昭回爛天宇
曉起梳頭郊謁神旭日將昇光焰吐南雲如墨來氤

盪須臾雨脚紛紛簷溜淙淙石渠響草痕細細土
階紋歡騰道上萬民遍愁濕枝頭百鳥群我堂塵瓦
爭於洗我心清涼如飲水太空冥冥豈有私陰晴不
足人悲喜董奉屋成雨自暮吾道非仙何並數嗚乎
堂完民逸喜雨來豈謂斯堂能致雨

飲馬長城窟

飲馬長城窟馬嘶躡翹首下馬獨沉吟骸骨盈隴畝
長城固未頽秦王身已灰徒思萬萬世空訪神仙回
一夫怒攘臂子嬰首先繫胡人竟不來智慮徒自備
堯舜已云邈夷齊不再生籍籍天壤內千秋萬古名
淒風起蘋末落日淡荒渚悠悠行路心默默向誰語

張憲副山水障子

山高出雲在平地千村萬落連春水乾坤氤氳元氣
濕江湖滿地流瀰瀰模糊雜樹綠滿眼臺末閒花紅
半壘忽見芳洲草樂間微露樓臺烟雨裏山家茅屋
晝不關背喧高閣深厓間山人對坐奕不語客載小
舟何時還斜橋引出灤西路歌岸直抵涇南渡開圖
慌入洞庭遊又似天台靈隱去耳邊汨汨聞溪聲堂
上真疑結嵐霧蓬萊閨苑想在此青鞋布襪宜相顧
試問神仙結遊伴却我冠裳塵土滿幾時置我圖畫
中還似神仙更蕭散

歲晚除易官舍書事

地僻無俗擾官閒有餘歡焚香對書几紅日上琅玕
造化妙發育湛叔斯本原日月自盈虧四時同一元

葉脫辭故枝蘊畜生意繁屈伸無停機福禍相循環
世道若繪事五色綴爛斑青山默無語流水空潺湲
窓下且獨酌春意回衰顏

龍池篇

滁陽栢子潭相傳有龍居之

神祖側微時嘗

有所覩既即位禱雨有應親為文祭之建閣潭上

下為兩隧道甃砌甚工比歲傾圯殆盡惟宸碑

猶存

澄潭有龍山之阿靈壇石觀空嵯峨畫梁朱拱沉草

莽螭碑

宸翰牽籐蘿野老當前訴織采舉手贊揚

還指畫

神祖側微德配天鬼神呵護山為宅潭

之五龍若豢馴往來參謁朝以夕若願奮鬢蕩腥膻

若兆

聖躬膺寶曆

聖心默識如諦明盟從茲一逝

先南征群賊烟消勝國平蠻夷率服

皇風清洪武

丁卯夏亢旱金流石爍烈焰生九重深恤生民隱靡

神不索心怔營舊時神物忽記憶命官詔諭摠精誠

霎時片雲掩九有雷車電掣天晦冥甘霖萬里盡沾

足黔黎司口稱

王明親勞

聖製下冊陞文光上

射牛斗橫大官迢遙致牲醴有司雜遝爭趨迎司空

伐木衡陽濱五丁鏟嶂芟荆榛丹楓翠栢勇勝駭琳

官員闕高崢嶸上阜崔嵬下隧遠池中虛敞旁簷拊

閣道縈紆圍一水巉巖削平餘十里蓬萊倏忽降塵

凡金碧叅差照巒岷雲飛冥冥山鬼藏靈風颯颯生

祥光年年祈

千叟處處靈

春風三月

嘯與青遊人布武看花行推牲動綺席吹笙擊
鼓娛神靈只今棄背才數載眼見韶華頓更改牛羊
歸盡夕陽多對此令人增感慨我聞此言心慘悽神
物感遇亦有時吁嗟榮耀有終期長歌激烈青山悲
首夏齋居即事二首

幽齋坐織雨綠樹繚周垣青山在屋上好鳥如晤言
一官居野寺性本愛丘園松花飽日夕沆瀣供朝飧
遊神羲皇上形槁心獨存緇塵暗岐路吾方掩柴門

其二

孟夏日已永蘊袍寒未更頑陰蔽白日零雨久未晴
麥苗漸不實惡草爭敷榮大化不可竟濁醪還自傾

其三

乳雅何聒聒燕語何喃喃微物染化機張皇性所甘
大造醞醇醪群動每沉酣人夢復言夢甬視恒耽耽
昨日桃李花今朝華粃粃世事即瀚海蕩瀟不可探
感嘆方自此高詠望江南

夏夜露坐

新暑夜不寐披衣坐中庭山深絕更漏高閣度流螢
愁來忽俛首仰見河漢熒牛女若有言導我食茯苓
簪珥非不樂老壯恐彫零

自警

爲學知句讀碌碌未聞道群居坐嗷嗷進止常倨傲
言悖無不讎德涼無不報固自防有患決去力未到
衆中值長老直斥曰浮躁爾汝本羞惡自取何足悼

尚欣學可進有過人直告再拜靡不承云胡不慙慙
勉旃自今日慎毋受嫉媚

贈金相士

相馬相骨不相肉相人相形還相心相肉失騏驎相
形昧孔壬舜瞳胡爲同項羽虎貌焉得似尼父跛壽
不仁回歿而純景公非富夷齊非貧貌當富貴負且
乘何如貧賤陋吾形天生爾目攻隱微相形須相心
勿違勘磨直欲入幽暗告人禍福先心機我貌不揚
我心多非謂當久貴非吾祈官間爲樂不可極祿厚
知負常懷歸送子出山天杳杳長松獨鶴揜荆扉
次韻呂秉之郊居

山中少過客白日長揜門落葉辭故枝西風滿丘園

瞻彼瓜豆架蕭疎霜亦繁實已斂余篋種種粒不昏
株披絕荒穢生意固自存春來土膏潤播爾力不煩
一本復萬有大造無私恩靜以觀物理杳不與世喧
貞爲事物榦復乃天地根脫落闔闢機玄矣雖言
送秉之

南丞太僕官野寺深沒翠微背城治重岡落葉散茅
茨曲徑籐條穿棘刺僚長月餘見忽散簿

押字庸人冥契山水間佳興肯厭官職間豺狼怒躪
晝上座歲丁未有狼由寺前入城歷州衛廳事而去婦思咄咄門常關君

時傳呼入叅佐蹙然空谷喜無那遥遥丙午冬十月
一見傾倒已默荷儂儂鄉語恰吳音耿耿忠懷徵楚
此風槩遙承宋呂誨筆力遠軼唐李賀才高長慨量

可俯詩成不鄙我亦和開筵俎豆春風迴論事斧鉞
嚴霜摧豐樂亭開發曠逸嶺岬路迥登崔嵬援我着
屐陟峯頂許我醉眠分礪隈剖我懷抱解我圍祛我
迫隘植我頽高堂揖讓阻諧謔群僚翕集相徘徊乃
知人侮必自侮我惟戚戚君恢恢長卿哭毋君代罍
門境清嚴吏人懼位崇體悉氓民艱地曠手栽百行
樹爬梳民隱正吏權一疏上允恩蕃宣宿弊風聞
似拉朽庶政蝟舉猶烹鮮畿甸千里江南北塗炭五
年民蘇息吏間處處省誅求七瘡年年穀衣食積疇
冥冥君自深彼氓何知我默識兩意沉酣交甚坦二
載勤勞君倏滿我昔以君留至今君今去余莫余
杯酒長歌風日寒空山人遠欲別難北望遙遙心

絕夢竟昨夜到長安

家居小樓會客分得足字

宦將本夙好負病厭馳逐
曳屣歸故園勸鳥今止宿
朋舊月一飲輪我會再續
布韋偕縉紳班坐人五六
摘蔬夜猶鮮漉酒冬已熟
薄言讌樓居飽豈在梁肉
白雲隨書几鳴鳥隔林屋
過雨阻新暑首夏氣清淑
及茲風日佳泥飲勿辭足

和唐寅白髮

氣羸髮先改五十頭盡雪豈無年差長美髮鬢如涅
顏頽詎足世樹立恐中折服善死所甘僥枉生亦竊
葉脫根株固貞元難遽絕天地閔殺機與奪誰窮詰
鏗壽今亦三回死有餘烈數命人人殊疾徐付甘節

大冶範我形堅脆任生滅

與二弟汎舟遊吳氏東莊因寄匏翁

緣城吟流水榆柳綠蔭門
艤舟信登陟忽得吳公園
小亭面高岡蘿徑隱可捫
青山出壻頭白雲宿籬根
歌鶯滯池曲遊魚戲波渾
繁景當首夏過雨氣微溫
老我獨已樂借有弟與昆
清唱散林木起行歷郊原
日斜亂人影眷戀忘歸轅
水木余夙好况茲故情敦
主人方宦達樂事誰與論
室邇人則遐相思黯銷魂
出處各有會一笑覆餘樽

二檜

去年得檜龍骨立今年得檜雷斧劃
二檜相當較淺深我辭歷年皆過百
一檜風雨鱗甲動一檜雪霜竟

魄蟄蒼髯落落兩健將欲鬪未鬪
髯鬣戟孔明老栢大難用玉晨左
紐顧何益何如二龍宜矮屋就束
甘卑鎮歡懌既不思致廟廊求又
不思避樵斧索苦心何曾蝕螻蟻
元氣常盈歛只尺有如二子卧首
陽木僵父與繁華隔心符操似地
復同奚必操戈自相隙怡然復好
息戰爭老夫毅然插血盟鳴琴中
坐調雙清好風颯颯秋月明

除温自嘆

富貴陌上塵流光倏更謝大冶百
年內驅馳等郵舍解組未五十衰
貌已堪咤逋亡更七稔須髮益變
化守温沐嘉寵促行不少借老骨
折艱難忍遭列司罵酒困寢方熟
叱起受鞭駕孀嬾甘苦單而乃策之

嫁傍徨復傍徨何當返耕稼

戊午春將赴溫州楊君謙禮部邀餞於虎丘同
集者沈啓南韓克贊二老復巾杖藜韓從子壽
椿與朱性甫青袍方巾唐子畏
巾服而余與君謙獨紗帽相對
爲侶適四類不雜

國並舉子

八各

鳥歌當離筵東風逗微雨會合飲中
二老行紆徐二妙足高舉儒袍聯魯生烏紗對賓主
酒半散林壑尋詩鏤肝腑詞鋒挽落暉酣戰走旁午
冥搜隘八極光焰互吞吐珠璣落吾手拾龍誰敢侮
悠悠大塊內何物不叅伍嗟余獨行邁棄斥無所與
後十日啓南復邀餞於君謙之南峰草堂

麗日進方舟賓朋試春服青山載遠途清溪揜林曲
登山謁高人華屋枕脩麓松竹羅庭除白雲墮林褥
天幔石作屏古殿苔竄綠振振關西子久已在空谷
欲從卧十年稍爲脫凡俗胡爲落塵網行役苦疾速
祖筵徒自玳絃歌鎮悲促躊躇不能忘便擬巖下宿
七里隆

青山慊吾意舟子莫余違言茲隆中遊兀坐敞蓬扉
須臾來萬狀雲水鎮依依儼居方池中四面羃翠幃
偃仰斷且續高下墮還飛挿天蔽星斗伏地堪漁磯
平平羅几案整整列鼓旗大將坐橫劍萬馬紛而馳
呀然散不收忽合如長圍如行圖畫中而罔筆墨畦
平生跌宕懷老大丘壑姿不圖行役地乃與勝境期

惜哉南北人安得久於斯

金華道中風雨憶故妻

感昔年少壯擊家來宦游官卑無館傳六口聚民舟
時時閣淺灘亂石雷聲侔到縣祿不給送妻還故州
廿載復經行白髮被滿頭清溪不改故官舸乘中流
懷人渺何許墓木空山秋嘆息淚盈把促促生煩憂

觀射

爽氣靄重袍委巷露凝濕新篁擠老榦瓜蔓互纏緝
小山繞民居流泉俯堪拾佳氣逼畸人不覺滯城邑
青衿分道長射圃導余入古禮捐之乂孔聖既嗟及
小子何爲者率爾敢效習

構巽山

一名積穀山懸崖嵌謝
岩二字蓋靈運舊遊也

踈林澹寒烟綠篠綴荒壁肩輿陟峻坂疲爾心戰慄
高城落海際大江纏塹碧崖嵌謝岩書水溢謝池石
若人去絲邈千載寓竒跡慚余繼遠塵才難濟飢溺
名位漸卑亞奚以媲美績頽風日滋蔓孱弱懷促迫
晨昏塞案牘罔敢踐踈逸小構積穀巔願言裕民食
良疇四望平群山趨几席農事在勸懲遊觀本何益
短此二起靈運聊爾詠朝夕

卻留

吾行試海郡言拯民罷紀綱未周悉彈章出南司
辭簡擊尤切謂余身不持吾知乂狂率貪墨耽書詩
所以久辭祿七載卧茆茨科頭躬耒耜散鈞水湄
出守非余好懇疏不得辭攢眉出北莊不挾三與兒

俛首拘法制羔膝謁故知老拙苦期會勤勞豈憚知
榮獨未能念徵歛復不慈回憶康濟心迥絕憂以施
上下兩相負婦計旦暮馳疏災効臣致異得流荒涯
言在莫爲達徬徨病益衰幸際言路開所効同我私
蓬此當放逐歸去甘如飴春山潤膏雨春風暢枯枝
開籠出孤鶴冲天那復追相如懷和壁碎擊終無疵
溫民勿挽留代我必勝而

感懷

是歲成化癸巳

家室倉皇付草萊含情自下讀書臺不知滿地梅花
落又見東風燕子來六尺微軀何處着百年笑口幾
時開最憐門外青松樹盡是兒時手自栽

永嘉墨池廟

祀王內史羲之

墨花冉冉沁清渠珍重當時內史居
拾道才名無可尚豈知遊戲是其餘
荒祠久系東嘉愛信史猶傳北
伐書一瓣心香千載意靈風渺渺送雲車

喜桑民懌至自吳門

奔走卑官歲再更江湖偏重別離情
逢君怒罵爲知已顧我摧顏負此生
細雨燈花銷午夜青
孤城自慚不是臨印令
安能重長卿

溪

窈窕入迴溪春消花片稀
絕瀨魚逆上推苔燕低飛
雲斂樹初出水窮山復圍
仙源不知處獨棹小船歸
入鴈蕩

山深斷車馬雞犬亦蕭疎
澗道散蒼莽峰巒翔紫虛

扳援絕鳥道宛轉得僧廬不覺凌絕頂身寒雲滿裾
妻兒祁元吉爲余携家累還吳

西望吳門半月程東風江上片帆輕還家依舊貧妻
子知己平生外弟兄越嶺雨多宜避瘴武林人轉早
回聲白雲斂盡春城暮渺渺晴空一鴈橫

清河道中

畏懷常只抱書眠卻醉多應惜俸錢落魄乾坤愁裡
鬢驅馳南北夢中年長河落日孤舟外斷听春風野
草邊袞袞天機山滿眼棹歌一曲破蒼烟

北行舟中晚興二首

月上遥天暝風來野水清片帆飛鳥疾獨坐看雲生
在客夜偏冷思親夢亦驚青春空有待白髮已無情

日落天半赤草枯山不青窮途宦情薄獨夜旅魂醒
遠絕故鄉月驅馳蓬髮星乾坤空納納搔首倚寒屏

泰安靈巖寺

匹馬強支持長途入翠微山高日初上秋老樹還稀
門外一溪隔人間萬事非虛堂雲卧冷似醉未能歸

泰山

自是乾坤真氣象不同蜀道苦巖墟俯觀萬象沉蒼
莽頓覺一身陵太虛秦帝何勞留玉檢山靈應自笑
天書徘徊絕頂不能去日照觀頭堪卜居

博平赴 召贈交代王明府

博平新尹莫憂難我是當時舊長官事簡鳴琴還有
暇民貧施政合從寬桑麻四野雨常足桃李滿蹊春

不寒百里星郎無謂遠治聲十日到長安

滁陽間居

一命南來得馬曹十年壯志靜中消長閒祗樂得春
睡酷熱還思博早朝官在溪山猶獨鶴身離枳棘即
層霄醉翁亭下行歌晚月照肩輿歸路遙

醉翁亭

翼翼立亭倚礪瀆亭前草樹澗前雲西南正據嶢嶢
勝今古難刊六一文客散依然禽鳥樂山空獨有水
泉聞蒼顏白髮聊能醉不是當時舊使君

官舍自詠

公第城南寺雲房松外居樵山知藥草引水得溪魚
身病難供世官閒欲著書客來問生事短褐課犁鋤

傅僉憲希說過飲寺中

官舍廻溪野寺深湯勞車馬駐雲林高懷解脫公家
事罇酒都傾物外心五月寒生高閣晚半山青落小
庭陰醉翁已往泉聲在願譜新吟托素琴

全椒

禾黍高低十里青淡烟一抹裹郵亭顏城遙落遠山
阜荒市中分野水汀喜有民風皆悶悶賴無公事得
醒醒六朝爭戰餘丘隴目斷江天虛翠屏

淮陽道中

依依郊野積陰濃物色光含造化工水足秧田浮淨
綠春歸柳市隱殘紅澤雷晴斂千山雨溪路吹寒五
月風回首鄉關天塹隔欲舒雙翅附冥鴻

邳州阻風有懷二弟

風激斜塘河水立雲連落日楚山橫孤舟夢覺吟春
草獨夜愁并泣紫荆別後知吾身尚健老來喜爾學
垂成傳家事業青雲在取同登萬里程

舊硯寄宗嚴

壬辰歲余試禮部杜用嘉先生以小端硯相贈其
唇有噉可以引繩携持自銘其陰為余 廷對之
兆是歲果忝進士携硯入對 大廷及今丁未

十又六年矣宗嚴弟復試禮部遂以付之并寄此
詩期 廷對之後轉以付宗質云

短硯稜稜紫玉膚杜陵投贈手親剗曾携對策朝

金關還擬傳家代玉符兄弟登庸輪及爾子孫敦軌

計同吾殷勤付去傳臚後轉與三郎入仕途

雲葉茶

岬山山土茶類葉小而
僧焙而藏之其味甚清

僊家白石煮為糧僧摘野茶如小菜餅作鳳團烹蟹
眼路經龍窟繞羊腸飲銷凡骨雲生腋夢覺清風月
在房雙井劍溪還勝負當年陸羽未曾嘗

茅山

地肺神仙宅陶公亦舊遊洞陰雲書合澗綠水春流
多病思丹井虛名感畫牛歸途向城市回首思悠悠

治父寺

暑伏僧房枕寒偎石竇雲官間知解脫心遠絕塵氛
山鳥引鷓下崖蜂受蜜分物華正堪戀歸思已紛紛
蕪湖道中寄李侍御

炎暑如蒸身似泥孤舟眠過大江西月明長浦青山
隱水浸圓沙白鷺栖竹下行厨僧寺酒池邊分卧野
人堤相思無限別來意未得相逢爲品題

次韻司馬通伯明遠樓對月

月上夜初寂窓虛樓倍明冷將金露氣遠重玉關情
碧樹千村合青山一髮橫居然人境別恠底句還清
又

樓隱月初上檻浮雲細生大江秋氣早獨夜旅魂清
魄幻山河影潮驚風雨聲仲宣詞賦好還擬獻瑤京
再宿治父寺

了事痴兒行不前却來治父息塵緣官閒身嬾便山
寺僧定日長如永年高閣冷含千嶂雨古苔荒帶一

溪烟淹留葉下浮屠忌四宿慚余未肯旋

北行道中次張地官韻

一官秋作客千里曉回裝月落天浮白霜餘葉墜黃
人間榮辱少心遠詠歌長杯酒青山下那知塵世忙

次韻張地官對雨

連雨作風信頑陰苦客情濕隨秋葉下寒逐暮雲生
旅館逢長夜孤臣對短檠天明紅日上萬國覩新晴

南歸阻水

孤館春寒起較遲滿窓南日雪晴時旅魂歷歷都成
夢世事悠悠不可期百歲光陰忙自錯一官奔逐老
還痴河水莫阻南行棹到處雲山叫子規

客思

寒迫重裘曉更清宦情羈思坐來生眼前世事浮雲
過醉裏驚心獨鳥鳴夢入故鄉春社散愁懸孤館夜
燈明南歸又負梅花約恐聽東家笛裏聲

和合驛

孤艇飄飄浪打蓬客懷無柰酒杯空地偏西北關河
冷天近清明日夜風嘶柳塵埋春色黯野塘冰決晚
潮通自憐十載驅馳意獨立長歌落照紅

宿青楊驛

中冷人家靜途長客思增夜潮舟浸月寒渡水流冰
破驛沉高岼疎林見遠燈空囊寒食近瀚海一浮僧

靜海驛

深夜驛途靜長河瀚海通舟明沉水月燈暗落潮風

暝色浮烟外春光欲雨中年年苦行役踪跡任飄蓬

聞蛙

犀舟歸日夜物翫旅魂清晚樹鳥爭集春田蛙亂鳴
微雲澹新月殘角隱孤城繫纜驛樓下悠悠鼓二更

舟中有懷林待用

渺渺長波暎遠空依依新柳颺春風相思人在青山
外盡日舟行細雨中汲黯身為漢廷重杜陵詩到錦
城工天王明聖江湖遠贏得驅馳兩鬢蓬

夜經武城

古之武城在魯地今東昌武城非舊跡也

春光過二月草色刺芳洲雨濕雲低罨風微水靜流
亂雲屯往路垂柳颺行舟聞道武城近悲笳出戍樓

又

苦雨還寒食行舟過武城幾回詢故老何代亂真名
古寺僧常在荒臺鳥自鳴悠悠懷往事春水坐來生
雨晴

雨晴雲散晚風柔野色烟光翠欲浮竟日波濤依岸
轉一天星月趁船流痴將世事春成夢老換年華雪
滿頭天地不私身自拙有人談笑覓封侯

濟寧

客棹一身渺歸程千里多寒雲挾疎雨秋水逝洪波
亭界短長道泉分南北河醉醒蓬底坐何處起漁歌
江浦道中憶吳中故人

回首江南思欲迷夢中談笑故人違不辭行役青山
笑但恠傳呼白鳥飛世態昔經多事悟宦情今入暮

年微何當載酒橫塘路扶醉村家看月歸

關領望滁

絕頂長途行木杪重盤空谷入雲深老夫已自離塵
想高世能忘濟物心春去名園千樹綠雨餘斜日半
山陰歸途漸覺滁陽近燈火遙遙生遠岑

野飲

行厨薄羅列僚友共裴徊心遠谿山靜酒酣風雨來
長林孤鳥沒近寺一僧回倚杖看城市黃埃漫作堆
京口公館東楊應寧

清明寂依舊旅館正思君春色計半去江聲來獨聞
畏寒猶宿火移坐盼斜曛只尺睽離地悠悠隔暮雲
直沽大水

新漲滔天茫不收，哭聲老稚散田疇。固知后土能兼
載，卻使玄冥得橫流。樓自柁中驚浪入，人從樹杪畏
行舟。鴻荒既遠無神禹，遙向江湖望帝州。

沈疇德良臣見和再疊奉酬

秋雨冥冥晚乍收，鳴蛙閣閣亂荒疇。弱憐什柳隨風
舞，靜愛行雲逐水流。署既有曹甘數馬，官常爲客識
操舟。疇逢喜子詩頻慰，節飯猶勝飽惠州。

舟行與良臣相失良臣有詩次韻奉答

別我天津買畫船，暮雲橫射夕陽穿。坐因有約常虛
左，行爲無心誤向前。新鴈叫空秋思集，短蓬驚雨夜
燈懸。逢君夢裏分明話，猶滯垂楊古渡邊。

莊嚴寺避暑

野寺雲藏驛路偏，暑尋僧引石牀眠。碧含幽草蘼穠
外，涼送清風殿閣邊。了事百年忙又錯，養心一味靜
猶禪。終嫌車馬非真適，欲解微官謝世緣。

舒城道中

老大官猶僕，驅馳力強支。雪深經日薄，雲冷得春遲。
短褐過時敝，愁顏覽鏡衰。不堪遊息地，行李又追隨。

寺中春

野寺沉深門半扃，易窓睡起晚風輕。雲開半壁夕陽
出，花落一庭春草生。鳥掠池中得魚去，鶴歸雲外傍
僧行。馬曹散吏真如隱，只欠山田帶雨耕。

校滄洲集有懷亨甫先生

幾度思君哭未休，斷編殘墨手親裒。可憐功業惟餘

此况復遺三不盡收京國夜寒親雪館路河秋雨並
蘭舟叔牙已死誰余及拭淚山窓搔白頭

偶成

案牘塵堆手嬾拈病驅王事路還無然灰已分初心
冷唱蔗方知晚境甜憂國無詩招杜甫間情有賦識
陶潛不須覽鏡知容貌白髮經愁日日添

還家十韻

中外驅馳二十年斃依棗梓息塵緣豈無薄祿終非
計幸已還家莫問田歲久先廬從散甚水邊喬木故
依然過從喜有貧親戚檢理猶存舊簡編千載秋風
三徑菊一篙春水五湖船飯抄雲子長腰米美煮銀
絲縮項鱸繞屋溪聲林下樂滿窓花影日高眠晚於

世味駸駸淡靜覺閒居

賢作計已逃多辱外收

功能及未衰前只應今夜西齋夢不到紅雲北斗邊

邢長洲見顧贈詩次韻奉謝

寂寞城居恰似村一溪新漲護寒雲空嗟葵藿心如
炙常佩芝蘭手自薰滿地江湖期我老大家風月許
誰分歸來未遣門羅雀車馬時時枉使君

荷花蕩夜歸次吳水部德徵韻

採芳日暮未言歸處處村家揜杼機水漫蓮洲秋路
斷月明莎渚覺鷗飛高歌小海風波急回首橫塘烟
火微蘭棹屢移樽屢倒不知露下已沾衣

陪李瑞卿太守登玄墓

傍湖高閣千山暎繞寺長松一徑分偏喜故人來

集都教先雨洗塵氛江湖汗漫年俱老冠蓋從容酒
半醺看遍梅花又歸去不知何日重論文

許野別李子陽暮歸有感

野墅沉沉更漏絕美人去去隔山陰輕橈蕩月波光
碎春樹連雲夜色深萬里秋風黃鵠舉五湖烟水白
鷗沉乾坤此際元無礙出處從來各有心

送侶都憲

幾年宦海挹光塵今日離筵得暫親天地酒杯還舊
約江湖舟楫正通津何人可寄安危事 聖主方求
社稷臣見說長安春爛熳江南猶有抱飢民

停雲館初成

屋西隙地舊生涯小室幽軒次第加久矣青山終老

願居然白板野人家百錢湖上輪音石四季墻根
雜花儘有功名都 邵酒杯詩卷送年華

栽竹

帶雨移來玉數竿清風亭館散輕寒誰云君子遷喬
似我作僊人跨鳳看落日便能搖瑣碎殘年還待報
平安新稍細粉嬌須護可忍題詩節下刊

陸全卿送牡丹栽

遠遣娉婷玉兩株古盆珍重護泥於玉含粉黛春應
在紅孕丹砂藟欲舒只就根芽知上品行看富貴賁
吾廬主人未絕分支愛有約還來酒不虛

會葬顧袁州

冷雨淒風寒暮冬故人埋玉萬山空百年歡好幽明

隔此日悲酸遠近同遙繼牛眠三世後新瞻鶴表五
湖東吟童不逐飄塵散短些應歸夜月中

舟夜

終朝馳逐櫓聲軋酒盡孤舟短褐單田穢草黃年入
莫水明月白夜生寒老猶多事衰難任病既辭官賤
自安無限幽懷不成寐林頭匣劍更須看

荅趙訓夫書

緘書遠到思纏緜知我於今豈少年負國恩深愚
有死累人薦及老無緣馮唐卑下甘持戟元亮歸來
久廢絃爭使北山猿鶴怨荷鋤朝墾雨餘田

上疏辭温

封章未剖心先畫坐主應憐祿可辭蓮社久從元亮

飲草塘不夢惠連詩青雲北闕空成戀白髮東甌
負所思祇有春愁不相放冷風吹雨畫絲絲

述懷

閉戶無端髻亦絲尋梅有夢覺方知嬾揮塵案書高
積喜展風簾鳥下窺兩月春陰愁共結百年身世老
難支微酣坐睡似入定久卧拜官如出師弘景畫牛
心獨遠龜蒙養鴨性還癡且便東郭田常稔肯使北
山文更移鄉味已甘菰米飯舊遊空憶草塘詩從渠
冷暖過還定自我悲歡往可推獨鶴於人亦何有閒
庭澗步鎮相隨

辭温不得請

又裝傀儡出排場金帶緋袍老逞強槁木竟為明所

誤駑駘端畏道初長一行作吏閒都廢三徑無人菊
就荒從此青山勞夢想黃塵東下海茫茫

赴溫留別停雲館

書館不能別疑情撫曲欄心知爲樂淺祗覺去家難
水石性終在菊松盟又寒殷勤向兒子好護碧琅玕

入隆

才入隆中便覺竒兩崖合壁水連漪頻回雙目詩難
就兀坐孤舟山自移斷送客懷須放醉了還公事未
全癡釣臺兀兀烟霄外慚愧重來兩髻絲

蘭溪道中

清溪曲折路全迷水鳥翩翩去復棲雜樹帶烟蒙塢
密濕雲釀雨壓船低山搖舞袖青垂隴岍效堆糧黃

近泥最愛人家住平陸野花黃蝶滿蔬畦

客况

山川旣客况風雨滯孤舟天暝不知旦夏寒還似秋
從官不稱嬾行路每懷鳥坐見蒼烟外蕭然下海鷗

金華道中憶君謙

遠別輕千里經行歷萬山思君終夕坐出守幾時還
隄柳吹花盡溪雲過雨閒南峰著書處夢裏更躋攀

憶石田

回首未千里相思猶十年遠情收短札近事夢離筵
忽忽頭都白悠悠心更玄兒曹能活計家事好拋捐
溪面浮竹圃山頭壘石田與君偶符合來此了前緣

夜雨

溪舟雨霰至客枕夜偏多遠近鳴長溜淒清捲敗荷
旅魂殊錯莫行色竟蹉跎酒薄不堪醉更長獨柰何

永康

畫舸乘風入永康踈花綠岼一溪長山淘麥浪青重
疊雲鱗魚鱗白渺茫王事有程行作吏勝遊無侶夢
還鄉直輸漁父蘆汀畔斗酒渾家醉野航

青龍埠會余用昭同行

曉過青龍雨乍晴方舟喜逐故人行青山別後渾依
舊白髮相看各老成日上漁家初曬網波漂麥隴未
翻耕風烟觸目皆民隱未到東嘉已有情

荅迂

父老欣欣向我親爭看當日宰官身依然平昔丹心

在只比從前白髮新行歷舊遊傷往事不忌遺愛愧
斯民春風二十年間夢却笑今來更任真

謁神

曉竭精誠禮百靈禮文聊復守官箴森嚴別有神明
地游衍常懷對越心敢負緋袍民社主終慚白首簿
書淫從今豐歉關吾事老守其如病已侵

交藏積

白頭重作守財奴一笑還操出內符肯信大夫兼委
吏誰云小事可糊塗不携琴鶴為身累空倚倉箱壯
國圖太息東嘉民力盡誅求昨已到餘夫

郡齋偶成

作官縻廩祿往事積悲傷老覺江湖好歸思日夜忙

簿書勞押字傀儡倦排場吏散心初寂虛堂燈火涼
寄壁

種菊中庭花有無小山松竹近何如痴拋獨樂了公
事悔拾虛名別故廬伏臘正懸婦老計經秋不得寄
來書眼昏頭白今如許料理而翁正在渠

賀太傅宜興公致仕

聖主其如高尚何朝辭禁近暮山阿私評相業如
公少退受賢名較進多爲世得人甘避路自天寵
命極恩波故鄉賓客多於舊不嘆門前張雀羅

鴈蕩

肩輿倒輓百丈強鳥道斗絕緣青蒼風撩瀑布雨噴
面天墮石梯雲滿裳谷中雞鳴萬籟寂澗底花發千

巖香自慚凡骨不可住落日悵望仙人鄉

得家書

一接家書思欲飛可憐陶令不能歸夢中鄉路千山
近身外榮圖日念非官簿悠悠維業障人情細細隱
危機貧家亦有魚羹飯何事甘從世網圍

畫堂

畫堂此日已無情暫向闌干曲畔行堪嘆簷前雙燕
子重來何處覓書聲

書陳匪之同年扇

春波千里漾晴漪絕壁雲深叫子規同在江頭敗茶
轉好風偏爲破帆遲

博平春日漫成

東風淡淡釀輕寒九十光陰已半殘
記得故鄉今上巳畫船蕭鼓薦春盤

太僕初上

盡有林泉好元無案牘叅冗自雖彼賤委吏亦吾甘
借居龍泉菴

冷官門戶可張羅曲徑春深長薜蘿
不道夜來風雨惡松陰滿地落花多

醉歸

沉醉歸來山日斜空林獨坐數殘鴉
惟來渴比相如甚紗帽籠頭自煮茶

寄宗嚴

嘗笑蘇家軾轍痴相逢相別苦題詩
而今老我懷尤

惡夢弟思親無限悲

秋日

秋雨纖纖風瑟瑟草庭寂寂菊娟娟
種來秫米不供醉時問同僚借俸錢

睡醒

月轉槐陰掩半扉漏聲低注北風微
竹林睡醒無人語格格空庭伏翼飛

客去

睡正濃驚客到醒空齋客去雨冥冥
不愁花落春無主依舊豐山戶外青

頑陰

頑陰似我愁難解俗事累人心欲焚
閉戶日猶償酒

債看花時已過春分

春思

愁蹙眉稜重寒欺酒力微春光雨潛過心事老知非
晝眠

門無畫戟自深嚴盡日高齋不捲簾獨鶴飛來日停
午長松影落晝陰添

題沈石田畫

蒼崖墨嶂含書法樹色江聲散釣船正是先生記歸
路城東下水連天

舟行寫見

山橫塞船頭鬱然無通路盡處忽一轉又入圈中去
又

高樹羅岍陰小舟泊水滸山罅每成村男婦盡蠻語

蘭溪夜泊

岍泊小舟遠溪跨浮橋長縣治率西滸燈火鬱相望
上頂埠

虛舟橫急流崩岍絡高樹問津招牧童不答騎牛去

青龍埠

舟到青龍埠羣情鎮欣喜紅日麗中天綠樹出半水
馮公嶺

崔嵬幾千丈躋攀費群力白雲生壑底俯視股雙標
却金館

生時或狗名死後方核實尚書却金館乃在吏部日

文温州集卷之一

文温州集卷之二 交游倡和詩一百六十六首

中順大夫湖江温州府知府文林宗儒

京邸秋日懷歸

林

京國流塵撲馬黃西風都敝客衣裳
漫聯班列非通籍悔獵科名去故鄉
愁外亂雲秋渺渺夢中山色夜蒼蒼
遙知寂寞南窓下叢菊無人只自芳

用韻送宗儒進士還吳

張泰 字亨父太倉人累官翰林修撰

燕南沙草入秋黃都下閨人搗練裳
客計蹉跎將問寢主恩珍重許還鄉
安危遠慮知君素淺薄愁顏愧我蒼
書錦相逢耆舊減江湖何處擇年芳
宗儒有永嘉之行往餞客樓奉贈長句

張泰

北來曾並暮江帆一宦看君再向南樽酒軋坤懷往
路扁舟吳越謝征驂月中馴鶴孤標遠天下廉泉此
味甘左掖郎星元近御東嘉詩景豈成耽城樓海色
寬秋望水寺鍾聲節夜談公暇未妨書裏醉道存何
惜府中叅幽崖白日群情喜明府青春百事諳見說
蛟龍能大小隔年雲雨起江潭

次韻留別滄洲先生

林

東去清風滿淞帆東甌更在淞東南班行已失群公
隊陋巷猶停長者驂中外於人何可擇卑微在我本
來甘平生學道求無愧此去親民况所耽踈遠漸勞
京國夢聯離偏惜故人談時名有忌愁多取宦業如
禪且靜叅縣僻還聞山水勝地連粗喜土風諳遙應
到日思君地秋水疑神月滿潭

永嘉縣齋懷沈石田先生

林

自古清深地分官得永嘉秋深熱還雨霜薄樹猶花
到海江流盡帶山城郭斜乘船看脩竹疑是到君家
次韻荅宗儒見懷

沈周

相思一千里南望是東嘉錦鯉傳春信青燈落夜花
鹿城瞻斗近鴈蕩入雲斜遠邑方懷惠馮君莫念家
宗儒至京時禁不得相見奉懷小詩

李東陽

只尺天涯萬里身別腸終日轉如輪江湖滾滾多新
浪城市悠悠幾故人望裡緘封書未達夢中顏色見
猶真遙知旅館春風夜一榻寒燈意正親

京邸次韻答李侍講見懷

林

南北關河一病身，可堪千里逐車輪。
故應踈拙難供世，轉覺虛名解誤人。
滿眼風波心自畏，一番桃李夢非真。
玉堂只尺如天上，踪跡雖踈意却親。

用李侍講韻送宗儒還永嘉

張泰

有心難作卧雲身，來策征蹄去軋輪。
關樹遠烟屯往路，春江華月伴離人。
官程不借交歡暇，友道偏於悵望真。
海內勲名賢者事，為留佳政縣人親。

次韻留別滄洲先生

林

燈火匆匆欲別身，此心先已付歸輪。
乾坤不盡相逢話，江海今成獨往人。
愁逐暮雲寒更遠，情淹罇酒澹

還真眼中誰是斯文契，元伯平生意最親。

出京書懷

林

雨過長安塵不飛，馬頭落月滿征衣。
城門宵柝聲初靜，驛路早行人尚稀。
多病老親憐我別，無依穉子候船歸。
時家君官涑水坐令官况都如水，不待中年已漸微。

南歸舟中次韻別宗儒

徐源

字仲山長洲人累官副都御史

長江滾滾片帆飛，為客經春盡敝衣。
淝水東西清政近，濟川南北故人稀。
秋風棘樹鸞應舉，社日花封燕婦明。
發別離齋望越，兩鄉同絆一官微。

雪夜招文承嘉宗儒

劉英

字邦彥杭州人

江空忽見梅花發，臘近仍驚爆竹催。
老髻任從新歲

改清樽留待故人開
乾坤日月車雙轂
今古文章水一杯
欲屈高談舒笑口
可能衝雪放舟來

歲暮客錢唐
邦彥徵君以詩招飲席間次韻

林

隱君瀟灑有高齋
徑造何煩折簡催
雪砌可人寒不掃
溪門待客夜還開
離離燈火分春色
弈弈梅花照酒杯
笑殺山陰王長史
不逢安道爲誰來

承宗儒和詩再答一首

劉英

同雲漠漠護深齋
興到從教漏點催
寒色照人知霰集
踈花有喜傍燈開
平生漫說詩千首
一飲還能酒百杯
明日雪晴山滿目
更開溪閣待君來

後三日雪晴同邦彥遊西湖再疊前韻

林

雪後孤山共探梅
便乘清興不須催
林邊細路和橋斷
湖上踈花傍竹開
雲影分明披絮帽
蹄涔彷彿散銀杯
酒寬新量詩盈卷
不負凌寒此度來

用韻同賦

劉英

最愛長堤萬樹梅
試花曾不待春催
日烘山色依稀見
天展湖光歛灩開
入寺先呼烹雪茗
隨輿仍有敵寒杯
興闌欲去還生戀
更向冷泉亭上來

雪後博平縣齋夜坐偶成

林

積雪空庭睡未能
湯依典籍坐衰燈
官貧自覺身無累
謀拙從教俗取憎
宓賤有琴聊自適
陶潛無酒竟何馮
清明寒食相將到
興味蕭然只類僧

次韻宗儒縣齋寫懷

李應禎字貞伯長洲人累官南京太僕少卿

清時作縣又稱能出坐晨鐘入夜燈有道持身緣自重無心狗物任人憎省臺地峻還須到毀譽情深未可馮苦行從來堪選佛天台五百盡高僧

奉 詔視學南畿出京留別諸友

司馬亞字通伯山陰人累官福建按察副使

腐儒承 命出南畿章句真為學者師累世書香餘舊物百年文運際 昌期經綸事業青霄迥湖海心情白髮知珍重故人憐別意清樽寧惜醉淋漓傳世青氈幾百年菲才仍幸與盤旋肯於崔氏多莊盛願擬胡門得士賢海宇文明原有象古今風月本無邊惟餘戀 闕懷人意搔首常同北斗懸

次韻司馬提學留別之作

林

使君聲跡重郊畿今喜南來士得師滿坐春風看化育千山明月共襟期操衡不負平生志同榜曾叨夙昔知环重行囊詩句好錦箋投贈墨淋漓白髮相逢慨昔年客亭樽酒重回旋平生學術敦名教此去勲猷在得賢吾道為魚歸靜裏錦囊風月屬吟邊追隨不盡臨分意江上青山一髮懸

江浦訪莊定山先生不遇

林

先生高隱謝徵宣十載空山抱疾眠應是不容塵客到白雲深鎖草堂前

千山雞犬白雲深 覓堯夫跋馬尋落盡野花人不見一林啼鳥蒼長吟

承文太僕宗儒枉顧賜詩次韻奉答

莊景

睡起柴扉阿宣是誰驚我北窓眠留詩識得山人
嬾不遣山人拜馬前
萬古深山萬古深深山深處許能尋洞中也有堯天
在擊壤人來擊壤吟

寄宗儒

沈周

碧雲渺渺一江分聞道滁山盡屬君愛是醉翁亭最
好每思遊燕讀遺文

次韻答石田見懷

林

故園回首兩年分問訊時時荷隱君敢謂滁山今屬
我正愁塵俗動移文

觀石田宗儒倡和之作次韻一首

呂憲字秉之嘉興人累官南京太常卿

荷池草閣許誰分每號山中淨業君若說嶺岒山色
好更教詩瘦沈休文石田知醉翁之勝而不知嶺岒尤勝宗儒故號嶺岒岒岒髮僧者也

同前

李應禎

嶺岒風月我曾分不信而今盡屬君好寄釀泉成實
惠莫馮書札是虛文

宗儒太僕冒雨過宿海月菴劇談竟夕且有買
田太湖之約因著于詩

吳寬

急雨東來一霎狂故人此夜到茆堂試邀明月頻呼
酒先遣涼風為掃牀統壁清香縈古篆隔籬踈翠耀
新妝匆匆會合成何用歲晚相期震澤傍

雨夜宿海月菴匏翁有詩次韻奉荅

林

莫恠狂夫老更狂夜深騎馬上君堂開樽便作燒燈
會倚壁先陳聽雨牀缺月朦朧開破鏡踈花狼籍洗
殘妝故山東下三千里夢見分明在我傍

宗儒自杭還吳道出嘉興特辱顧過無示京中
與吳內翰倡和之作因次其韻

呂憲

驛吏傳書喜欲狂爲余有母故升堂郊居節後惟籬
菊文事舟中且筆牀舊友自宜張黍約新愁無復敞
眉妝時余喪內詞林詩句延陵重把翫如從笑語傍

奉簡寮長呂少卿秉之

林

寒蟾淡孤寺清夜念佳人尺地青山隔通宵白髮新
官閒分僻境歲晚接陽春獨有梅花發瑤瑤迥絕塵
辱宗儒寺丞贈詩次韻奉荅

呂憲

山麓開官府鍾聲散吏人他鄉誰與舊益友敢求新
日上門間席風來坐裏春老僧居只尺同訪却紅塵
再贈秉之

林

溪山真有待今已屬高人地散官多暇心清興亦新
亂雲幽谷晚細草釀泉春老我空懷戀無由繼絕塵
再荅宗儒

呂憲

太僕非閑秩同官復偉人名從鳧鳥重才借鳳樓新
渴望盈盈水虍懷拍拍春中年逢與可詩句脫凡塵

七

春日感懷呈秉之

林

綠樹高低淡復濃，弱雲凌亂隱孤峰。
愁將多病顏先老，忿藉中年心自容。
春去郊原寒閉戶，雨餘燈火夜鳴春。
為貧不用悲官冷，笑殺明時說卧龍。

次韻宗儒感懷

呂憲

靄靄山雲載雨濃，雨收還對兩青峰。
隔林幽鳥如相語，照水孤花只自容。
南陌春歸驚短夢，西窓酒醒見高春。
擬參玉板禪師去，連日東風長釋龍。

喜宗儒寺丞令弟宗嚴春試得雋奉賀小詩

呂憲

涑水尊翁慶澤深，九原真遂高門心。
春塘夢好酒連日，香土馬輕花滿簪。
且置元兄說西抹，况聞季弟亦

兩金家聲如此官，何物為作承哉不負吟。

家弟春捷秉之有詩見賀次韻奉酬

林

山木蒼蒼山寺深，冷官堪博比丘心。
還家彷彿春成夢，病酒鬢鬢曉墮簪。
僕御無才能數馬，緘書有弟達沈金。
自慚不及蘇家軾，空賦彭城風雨吟。

偶與宗儒談及世故退而有感

呂憲

茅茨具官宇，我寓豐山東。
悵然非偏伉，自念卿秩崇。
結髮受父簡，秉心孝而忠。
夙夜敢云懈，職限替佐中。
言深忌交淺，開口有違從。
子實與舊弊，臭味芝蘭同。
相將驚歲邁，撫世難立功。
似聞多不測，未致園綺翁。

江湖孰憂樂此意先忡忡

次韻秉之述感

林

佳人抱絕色拾翠古城東徘徊陟山麓回視身已崇
娟娟對白日默默信已忠本無適俗韻而在大化中
欲行叩天閭路遠不可從願言招伴侶而乃持異同
結髮事良人不欲邀事功得失迫肺肝豈曰塞上翁
關雎化遼邈日夕徒忡忡

十月寫懷

呂意

淮南十月類清秋最愛山扉霧雨收時事向人慵側
耳晏眠如釋但梳頭將陳病狀求終養敢負王官傍
此州記得先朝年弱冠殿中時引翠霓裘

次韻秉之寫懷

林

使君高興碧山秋淙上風烟次第收西澗潮生孤艇
外醉翁泉落兩峰頭久專丘壑為閒吏遠傍江湖望
帝州萬里壯圖頭似漆豈應回首問菟裘

戊申元夕飲匏翁海月菴夜歸有作

林

元夜笙歌燕帝鄉團團海月上華堂貴家方重傳
柑會吳味空懷煮鰓香最愛燒燈明綺席不嫌翻酒
汗羅裳歸途瘦馬衝寒甚却恠東家少巨觴
承宗儒寺丞上元夜歸之作有途中不勝清冷
之句誦之不覺破顏因次其韻

吳寬

佳節相邀入醉鄉夜深誰肯宿茅堂高懸應恨油燈

暗細嚼聊供粉餌香即席從容移筆硯出門顛倒執衣裳何時更慰清寒苦一舉仍須累十觴

蘋蓼乃北方佳果按飲膳正要作平坡未知孰是近有餽者因賦謝此詩交木公與木父文矣試一評之

李東陽

倚風和露不勝垂盛夏園林出每遲嚼愛輕鬆宜病齒漱憐芳潤入詩脾年過野柰須爭長實比山梨未後時莫恠筠籠先到我風情元許北人知

次韻同西涯侍講賦蘋蓼

林

名果芳鮮碧顆垂北來自笑識君遲最憐膚脆籠香雪還覺津寒沁蜜脾青李昔賢空寫帖木奴南產不同時曾聞白柰僊家種絕品源流未可知

題畫送文太僕宗雋還滁

杜堇

字言符號樾居京師人

南國分司品位清歐陽人望是先生封章激烈公卿畏納諫如流帝主明隨柳傍花吟興遠救車羸馬去途輕春寒病起還相送二十年前過愛情

次韻荅言符兼謝贈畫

林

老淹牧圉敢言清祗覺驅馳負此生流水宦情秋澹薄碧山歸夢夜分明從前交誼誰偏重眼底才名子不輕珎重新圖先到我淡烟疎樹不勝情

雪後文太僕宗儒携杜言符贈詩相示有二十年前過愛情之句余辱太僕知愛實有不在言符下者因用其末句起興而復翻次其韻詩家變例不自知其可愧也

潘辰

字時用括荅人累官翰林編修太常少卿

二十年來故舊情相逢都覺利名輕貧甘啜水身常
健老愛看山眼更明兩疏總知關世教一官端不愧
平生豪談坐對高樓雪便飲羊羔也自清

次韻荅時用

林

一官聊爾逐時情踈遠寧關國重輕直恐壯心空老
大敢將幼學負 皇明迂踈舉世非韓子輕薄從人
笑賈生到底只輸潘處士衡門無事鎮常清

潞河公館有懷時用

林

二月西風塵滿堤潞河水泮未全衰餘寒應妬春光
早又客偏驚歸計遲已有冥鴻自高舉更多眠柳不
勝吹別君正是思君地深夜月明孤館時

次韻荅宗儒潞河見懷

潘辰

嫩人十日住河堤聞道春冰尚未衰貂敝也知從宦
久囊空應恨到家遲寸心霄漢頻回首兩鬢風霜不
受吹一帋詩來千萬意爲君披誦立多時

冰解將行再疊前韻

林

扁舟衍棹古河堤寒氣春深覺漸衰冰泮一溪流水
遠花開滿眼到家遲鰲顏漸赤還因酒短髮長鬆不
待吹幾欲故園耕隴上此生端恐負 明時

北歸舟中寫懷二首

林

驅馳南北歲華更筆札飄零度兩京擊柝未能忘
盛世爲儒只合負虛名青山遊向忙中失白髮生從
愁裏成長劔倚天雲杳杳孤舟落日杜鵑鳴
終日思歸苦未歸旅嵬常逐暮雲飛江湖身遠殷憂

在兒女情多壯業微北闕上書 明主棄西山挂笏
雅懷違頭顱禿盡曾何補只合當年是布衣

次韻宗儒北歸寫懷

呂憲

作令東甌事最更文章高古學西京豈無要路收豪
傑空有生祠拜姓名往惡伯寮如命在今嗟貝錦竟
讒成 新朝道泰多君子征彙鏘鏘珮玉鳴

底約遭婦更緩婦時燕子已飛飛四門舜日開黃
道一疏梅仙達紫微未遂勳名猶未老相期忠孝莫
相違豐山無限薜蘿色都映趨朝十載衣

約秉之山行阻雨不果

林

積雨未肯霽看山負負約林鳥濕亂啼巖花風細落
野水流松間弱雲變丘壑有琴絃未張有酒無所托

美人不易逢良辰故寂寞誰爲誅屏翳竟以清寒廓
快哉汗漫遊願後天下樂

次韻荅宗儒寺丞遊山阻雨之作

呂憲

依依春已遠忽忽愧前約滔滔霧雨零陰陰隘村落
念彼達者情本在謝安壑心局轅下駒所宣每余托
溫風適何來萬象啓冥冥西南最秀峰旦夕亦清廓
且復從公遨休沐以爲樂

己酉元日

呂憲

三於郡國閱春正二載 龍飛戴 聖明北極紅雲
香篆煖東風金水柳絲晴江湖卧處驚垂老禮樂興
期間兩生爲負涓埃未歸去敝廬元有薄田耕

元日次秉之韻

林

春王二載頌新正歡舞群黎
日月明元氣復從皇
極建泰階平見紫微晴虛
賈年少悲前事無補清時
愧此生住近瑯琊無吏隱
時從野老閱春耕

訪孔陽先生定山山莊

林

先生別業翠微深踏雨穿林
特地尋流水繞門花亂
落白雲離地晝還沉義高未
遂逃名計身遠能忘濟
物心汎汎虛舟湖海濶幾回
擊壤費長吟

春日山中花亂開春風騎馬
看花來百年漫有瑤琴
在一笑忘驅俗駕回水漫野
塘經竹去樹浮石壁間
雲栽先生賸有柴桑趣柰此
蒼生心欲頽

文太僕宗儒枉顧定山賜詩次韻奉謝

莊景

野人抱病卧雲深車馬頻勞
使者尋朱旆碧山相映
照滄波白鳥自浮沉乾坤老
絕無狂念出處公直識
此心檢點風花須領會也時
時和打乖吟
分付柴扉及卯開果然消息
使君來天能風雨淹三
日我且溪雲醉百回何許山
花偏照眼等閒林笋已
成栽白頭此事難能落敢謂
高風可障頽

同宗儒謁滁陽王廟

呂憲

龍戰江南沸天兵帳下分荆
州基漢業尚父冠唐
勳俎豆重簷裡松杉古澗瀆
風雲開國事流淚對斜
暉

用韻同秉之賦滁陽王廟

林

身後穹碑在祠前流水分人悲項王勇天佑漢高勲
朱戶瞻遺像青林轉古瀆興亡忽如夢獨立送餘曛

六月十二日奉天門引滿

林

僊官曾未悉朝參歛板鳴珂病不堪又在江湖隨分
老偶聯鴛鴦自家慚千門曉色天顏近滿袖香烟聖
澤含早晚乞身耕隴上光榮歸與野人談

宗儒寺丞考最奏引之暇飲我剪春園誦早朝
佳什即席奉和奏滿之日雨沾盛服故頸聯及
之

李東陽

駕行親見 陛前參僂儂雖勞力尚堪問馬有曹應
不忘伐檀無負定向何慚日邊旗影香烟亂天上樓陰
雨意含總道先生公事了相過應不廢清談

宗儒以太僕丞考績南還邀過玉延亭酌別出
示西涯學士所和早朝之作因次韻奉贈

吳寬

官非京尹免臺叅寺板題銜也自堪公事共知才未
盡直言曾上面無慚績書駉牝才名出家寄瑯琊秀
色含觸熱却憐分手去林亭何日重高談

宗儒南還別贈長句

李東陽

豐山東面瑯琊北官寺臨山枕溪側泉香石冷花樹
踈幻出春華與秋色三吳才子洋州裔清比琅玕才
數尺錦囊秀句駉騷人玉塵雄談驚坐客誰令散地
容渠嬾儘有餘才供世劇十年溷跡走風塵三載高
飛未云極問君何曹似是馬丞不負君人自惜知君

自抱憂國心豈爲承平倦芻櫪南方匹練累數金方
且按圖爲驥索州官縣吏盡力輸營下老兵曾未識
書生經濟須實用多少聲名在文籍聞君獻納有嘉
言肯避傍人嗔越職朝來選部書上考耻以徵催買
資格嗟余竊祿本無能誤向雲霄問泉石

次韻奉荅西涯先生

林

十年驅車走南北事緒紛輪心偏側不禁塵土汙衣
裳更柰風霜暗顏色漫竊官資活妻子可憐得寸先
三尺平生氣槩弭千人翹然自許凌雲客寧知與世
不相能顛倒瀾翻真戲劇悠然爽氣自西山渺矣浮
雲空北極一官僕圉古校人遠滯江湖那復惜羝羊
却步念觸藩老驥長鳴悲伏櫪冗員無用漫追隨敝

事如毛費搜索故人珍重苦推挽拙不宜時吾自識
只應散秩付悠悠底用虛名空籍籍不辭委吏太卑
散踈嬾易供惟此職正恐隳頽負夙心敢圖陟獵超
常格一任諸公立要津自留晚節堅金石

直沽大水

林

秋水茫茫天宇浮湍聲鯨吼畏行舟旅魂獨夜清常
坐楚澤孤臣遠更憂陰有浮雲蔽白日蕩無砥柱屹
中流白頭未遂江湖樂空對滄波沒野鷗

追次宗儒直沽大水之作 呂憲

積雨高城勢欲浮驚傳沉竈半居舟幾年白屋恒饑
色有客丹心獨隱憂丁字沽南迷萬井天妃廟下怒
雙流廟下會衛河白河二舉頭便遠長安日塵土蕭

然下海鷗

宗儒生孫適出按郡未有詩賀今歸輒用東坡韻賦呈一笑

呂憲

歸日兼程夜掃閭高堂已辦阿翁居定知舊物能傳研何必中庸續著書老眼自誇網手慣白髮翻悔鐫痕餘絲絲瓜瓞從今盛大父他年恐不如

乘之用坡韻見賀生孫而以居易鷓鴣豈以其落韻而有所更定邪既曰用韻恐終非本色仍以

鷓鴣韻復之

林

年來病倦憶田閭喜見兒曹亦抱鷓鴣衰薄聊堪慰門戶承傳敢望托琴書事關他日能無意慶自先公信有餘且作通家湯餅會未須啼笑問何如

春興四首寄定山先生

林

春到山深總不知晚來拄杖過荒畦東風昨夜開桃李吹折長松又幾枝

三月空山見物華淡黃淺綠映朝霞東風不與春爲主吹落梅花又杏花

空山寂寂卧雲深寒結重裘風滿林底事花開又花落從教日日數春陰

水流春去曉增寒山遶雲林風日軋無限春愁病如酒更從驛使問長安

次韻文太僕春興

莊昶

個中消息許誰知領略春光綠滿畦老眼無端還太極過墻零落古梅枝

深山無事也年華卯酒歡然送臉霞莫謂山花負頭
白白頭我自負山花

茆屋深山深復深何曾天地負春林林間抱甕終還
我頭白于今已漢陰

微風潑潑送春寒欲踏春泥屐未乾莫恠先生眠不
起草簷紅日正相安

訪定山溪雲亭

林

一笑兩年別重來三月天嶺雲城矮屋曲礪沼流泉
太古山中日畸人物外緣惟餘吾道在高卧閱流年

次韻謝文太僕枉顧

莊景

白髮眠雲地黃花對雨天子能留幾日吾且慶雙泉
老去江山興平生筆研緣便須留契帖題作永和年

天峰閣與宗儒太僕小酌

莊景

對酌天峰酒高歌白髮長乾坤還老病車馬又柴桑
眼底公真妙山中我敢狂江雲朝戀戀此意許誰忘

次韻荅定山先生

林

草閣紅塵遠空山白日長人咸重康節誰復擾庚桑
獨醉元非酒高歌老更狂山林無限樂只恐世難忘

寄宗儒

沈周

秋來懷抱獨無聊雪髻鬢鬆短莫搔手把芙蓉望江
北烟波無柰美人遙

江上秋衙迹本閒憂時雙鬢亦應班雖多奏草都然
卻高閣紅欄獨看山

次韻鼎石田

林

秋風聞鴈思無聊故國懷人首重搔吳楚相望一千
里月明歸夢不知遙

日斜吏散古衙閒鶴印荒苔碧蘚班公事不多心似
水此生不恨老滁山

理墳二首奉寄宗儒太僕 沈周

官竹園頭春日斜手開新土漸成窪觀生如寄誰非
客視死如歸此是家白髮輓存知電露青山長卧有
烟霞慰勞自假閒詩酒且弄年華與物華

卜墳已喜傍雲厓未老先曾有此懷鶴表虛名待誰
錄孤丘宿約與妻偕百年齊裡叅諸妄一鋪泥邊打
早乖免向 君王乞骸骨自山生長自山埋

次韻石田理墳

林

春雲撩亂石橫斜鑿破乾坤氣一窪昂脫雞群方傲
世老思蟬蛻更爲家群山奠玉看新鬢孤鶩悲空送
斷霞封禪無書生自挽幾年齊物誦南華

吾拾吾形委石厓此民此日入無懷青山同穴于飛
願白首何心造化偕退覺獨閒忘世味老應自慰任
時乖知君辛苦如君志爲殉從將筆札埋

乙巳冬客京師初度有感

林

清霜十月滿 皇畿遊子思親感落暉學道無成雙
鬢白酬恩有地一官微多生未若無生樂今日方知
昨日非舊業吳門風雨敞可憐懷祿未能歸

宗儒寺丞見示客中初度之作率爾和荅祖韻
之所遺者或得一二百里中雖不奉面亦可以

資一咲也

周庚字元巳吳人官南京太醫院判

南北關河總 帝畿蕭蕭衰草映寒暉置身岬岵親
庭杳搔首風烟客路微悲痛百年今日是夢魂千里
舊遊非也知四十方強仕誰謂宜休便可歸

季夏齋居即事

林

溪官門戶冷常關生意庭前草不刪獨坐小亭調舞
鶴偶登高閣見群山氣將物色交深夏暑伏秋光待
老顏竊祿廿年曾不補欲從疆健乞生還

次韻宗儒齋居即事

顧福字天錫吳人累官南參政

門第幽深晝不關詩成長日向誰刪署分僻地還通
水郡遠孤城只見山夜月且拚花下醉秋風未老鏡
中顏青袍隨分俱君寵莫謂官閒便乞還

李少卿貞伯借居龍泉菴奉懷二首

林

美人掉首西山去談笑何由一霎同多在紫薇泉石
畔煮茶暢飲落花風

豐山山下碧梧中只尺雲迷路不通長日醉眠思復
坐一林啼鳥夕陽紅

用韻招宗儒

李應禎

滁陽古寺畫圍中四面松杉一徑通一任人嘲吟鬢
白不知我自醉顏紅

朝 天我已去匆匆幸此離筵一醉同莫便不來成
寂莫家人會唱落梅風

宗儒南歸遂卧不出意甚念之小詩問訊

呂憲

留帶江鄉桂玉秋尺書不至使人愁侏儒狂笑東方朔
款段常隨馬少游寂寂青山無事酒悠悠白髮見
京樓相傳物論南金重薦刻遺才早晚收

家居次韻荅秉之見懷

林

水國荒涼木葉秋園收芋栗未須愁白鷗浩蕩三機
事老馬墮隤賦遠游趣得已深陶令酒與猶不淺庾
公樓牛溲馬勃原無用當道何煩藥籠收

宗儒在告

沈周

功名大慾淵取之無一足朝廷曷忌吝賢達不盡
祿投林先機鳥清晝托昏宿親知念早計風雨顧茅
屋關門待白髮歲月在松竹逍遙風塵表昨夢破榮

辱尚有舊藏書坐課諸子讀

次韻荅石田

林

天運有盈虛人苦不自足已基九列階復顧千鍾祿
黃鵠豈不高中路將焉宿所以柴桑翁無心戀華屋
瀚海辭風波郊居夢花竹歛余百羊身及此未危辱
愧君先機言一帋百過讀

初歸謁文太僕閱吳太史舊詩追次其韻

楊循吉

字君謙吳人官儀制主事

歸來共結終身約城外城中二草堂不怕相過無菜
飯且容高卧有藜牀徘徊繒繳思逃辱收拾羣釵免
妬妝自古山林本難事從他輕議道邊傍

辱君謙顧訪贈詩次韻奉荅 林

少年追逐老還鄉不負吳門舊草堂採藥山中雲滿
屐讀書松下石爲牀當筵有客誇長袖時世何人識
淡妝但得身閒心自逸何須卜築太湖傍

遊虎丘與君謙禮部同賦

林

十年重上說經臺一覽群峰意曷哉歲月已隨陳迹
去江湖閒爲采芳來松間石級盤盤轉木末精廬面
面開欲賦林巒吟不就輸他清遠謫仙才

陪太僕文公登虎丘次韻

楊循吉

填巖塞谷總樓臺放目雲霄一快哉影浴池心孤島
出煖兼花氣野風來綠袍實爲林巒棄白酒還將禁
戒開深荷諸公相汲引登高欲賦愧無才

匏翁撤醫俗亭

林

學士高情有歲寒文章句次富琅玕處方自我非真
俗容膝當年取易安要是風流名不泯莫辭零落手
重完野人原是亭中客惟得殷勤惜畫闌

竹間舊亭行欲撤去辱宗儒寄詩遂用和石

吳寬

幽棲半畝翠生寒不見千球與萬玕豈是主人忘故
舊已無童子報平安古方縱說能醫俗新製須知亦
苟完應傍西園存小扁此君還約共馮闌

訪石田有竹莊

林

冥冥三十年役役遠行邁人生各有寓參商發長喟
歸來五載游會晤一何憊君如九皋鶴巢穴故然在
茲來勿厭遲瞻望已足快昔樹今成行書屋添多

大兒玉樹枝小兒亦瀟洒登堂禮阿母出孫呼再拜
開讌列肥甘賓主聿相對杯酌亂觥籌謔浪或至再
春氣陡鬱蒸風雨來冥晦樂極精神移狂歌增慷慨
喜宗儒太僕枉顧贈詩次韻奉荅

沈周

人生一離合忽忽歲月邁青春與白髮只好增咤喟
君子務義要迹曠心靡懈請喻江中水澹薄味常在
茲晨風雨橫來鷓鴣鈍莫快童子認舊德殷勤潔塵屨
雨亦通人情收脚漸微洒顧我有老母持筐復加拜
展席話夙昔勝與生客對佐酒無兼味情留日須再
雲天看君遠林壑信我晦清歡滿在眼萬事不須慨

乙卯初度

林

五十一年真醉夢百千萬事亦空花江湖况味閒偏
勝桑梓情懷老漸嘉白髮於人無假借青山還我作
生涯不堪潦倒逢初度倦倚長林數暮鴉

次韻宗儒初度

沈周

十月逢生開五帙鬢絲渾未着霜花隨方教令民從
善每疏謀猷帝曰嘉文字古非時一樣功名遠與
壽無涯嘗因宦迹尋丹壑白蝠驚飛大似鴉

同前

吳寬

屈指曲江同醉後杏園八度見開花相逢莫恠皆吳
苑遺愛猶誇在永嘉此道夾持須有得吾生歸宿豈
無涯休嗟五十功名晚試看樽前鬢似鴉

同前

呂憲

半百宦情輕似水小春霜葉豔於花清存家法堪垂
裕起必天恩屢拜嘉惠澤桐鄉遺父老詞源瀚海
渺津涯大歡無限平居趣猶有新鷄弄墨鴉

同前

楊循吉

先生易學傳家久醉晏瓊林曾帶花人物聖朝多
偉俊土風吳郡本清嘉魯連高誼真難到津邸晚通
方未涯遙想傍求勞側席豈容閒興逐歸鴉

同前

李旻

字子陽錢唐人仕
終禮部侍郎

半百才過髻未華小春生日近梅花頰因循吏知文
姓誰向稠人覓孟嘉宦轍優游臻壽域漁舟汗漫可
天涯期君共閱三千歲聞道丹田有白鴉

阻雨雙娥僧舍與宗儒夜話

沈周

十宿僧房春未晴故人爲我踏泥行老隨年去詩成
感話引杯長酒在情鈴語報風聲落落燭枝銷跋火
熒熒浮生踪跡真鴻雪何况於君有宦程

雨夜與石田話舊

林

燈火蟬聯親戚話江湖流浪乍婦人坐消漏水虛堂
夜對酌簷花細雨春無限悲歡前日事自家冷煖百
年身宦程汗漫今休說已辦從公習隱淪

宗儒示余舊藏李洞學士匏硯因拙號適合遂
以爲贈奉謝小詩

吳寬

身垂苦葉入秋肥紫玉分明滿一圍遺物未忘殘墨
少舊銘猶在昔人非固辭莫恠還終受久假安知遂

不歸應念老夫同氣味百年文苑許相依

以舊藏匏研贈匏翁辱詩見謝次韻奉荅

林

古研如匏紫玉肥羅文班剝墨花園元豐歲月知綵
歷李洞題名果是非雅號于今誰最稱斯文舍子欲
安歸玉蟾象管追隨地便覺端嚴得所依

中秋對月有懷匏翁

林

坐見樓頭月陪明平分秋色雨新晴古人珍重惟今
夕老我蹉跎已半生光掩星河浮玉宇氣兼風露溢
金精遙應藂桂虛堂下滿院清香一笛橫

次韻荅宗儒中秋見懷

吳寬

秋毫察見最分明好月當空更喜晴合有高吟如故

事幸無淺興是平生清虛似對嫦娥影天祿休傳太
乙精多感故人相念及坐看樓外斗杓橫

重陽卧疾懷匏翁不得見因憶東坡古來四事
巧相違之句續而成詠

林

古來四事巧相違剛是重陽病揜扉寂莫已將佳節
負蹉跎還感故情非風前裹帽羞教墮籬下看花醒
獨歸遙憶美人東部近登高援筆賦斜暉

過宗儒北莊乘月夜歸因次重陽高韻

吳寬

古來四事巧相違旋擬田家置短扉學圃敢誇今日
是開罇未覺老年非岼頭軋軋挑禾去樹裏熒熒乞
火歸明月滿窓仍列岫主人堪比謝玄暉

初作小山

林

青山一簇似移來絕蹬飛梁面面開汲水埋盆聊作
沼層巒疊嶂舊封苔類余礪硯澆須酒與物逍遙登
有臺老欲藏春成別塢及時還買雜花栽

次韻宗儒小山之作

沈周

割得玲瓏海上來當軒爛熳畫圖開江沙未假三峰
木雪浪真剗半體苔小樣蘭亭仍水竹居然蓬島亦
樓臺主人晚節能堅好十個青松手自栽

聞宗儒除温州喜而有作

沈周

青陽布區宇庶品樂化工亦聞剖符竹起子高卧中
卧者固自高恐世卑黃龍功名要人立生才天自庸
會至亦何辭達懷乘時通雙旌及行日奔走來野翁

聞温州之命次韻荅石田

林

野人安隴畝方春亟農工誰傳一尺詔置我樊籠
中緬懷漢四皓亦有楚兩龔斯人咸肆志衰病顧登
庸聖君豈不憐萬里誰為通新詩特勸駕慚愧石

田翁

寫照

林

渠貌堂堂難與仁緋袍已作大夫身生成自是君親
德付畀元非嶽瀆神既老無聞甘暴棄入官有愧故
逡巡任他阿堵妙不二到底看來我自真

觀宗儒寫照

沈周

疆健身纔五十三却言作郡老難堪畫中見面人皆
識影畔捫心自不慚憂樂滿膺非已事詩書奪坐有

高談文章豈合山林用濟以功名動斗南

宗儒將赴溫州以舊蓄茶具寄贈奉謝小詩

吳寬

疇昔崖巔與水濱行時茶具每隨身俗緣未盡還分
郡清物猶存合贈人陸羽已嘗泉最美遲任休說器
惟新只今紙裹直堪咲携去猶驚范景仁

以茶具寄贈匏翁辱詩見謝次韻奉答

林

一麾遠守古甌濱塵俗都非舊日身隱具回看真長
物清風自擬屬高人玉堂不恨登庸晚石鼎還誇發
詠新何日闢茶尋舊約白頭林下荷 皇仁

聞溫州消息奉寄

沈周

白叟黃童擁道周逾封百里候華輶國人皆好真難
事山水重臨是舊游康樂篇章動高興希文襟抱負
先憂故園野老偏相慰喜極深思漫倚樓

次韻荅石田見寄

林

綠水縈紆山四周山深雲合叫鞦韆坐吟春草思靈
運卧看飛鳶感少游竹馬愧非前度客虎符空縮一
方憂因君更重鄉關念滿目烟波怕上樓

遊雁山期謝方石先生不至途中有懷

林

獨陟寒山一萬重美人又在萬山東天台路僻雲迷
境雁蕩峰高石倚空解脫官忙塵土外驚回春夢雨
聲中鳥啼花發仙源近何日清樽一笑同

心山會文温州宗儒誦途中見懷之作因次其

韻

謝鐸字鳴治天台人累官禮部尚書謚文肅

襍積平生有萬重馬頭長憶路西東十年夢裏心無礙兩日山行興不空慷慨共憐交道在笑談何但酒杯中陰晴莫問明朝事覆雨翻雲正不同

歸自雁山途中有懷方石二首

林

一笑南來長雁山白頭恩幸荷天頒出遊自愧山

公數高卧其如謝傳閒聽雨湯叨連夕會開樽都把

舊愁刪公家不了還須去應被山靈笑老慳時因迎諫得盡遊而歸

風雨冥冥道路迷仙舟何處聽鶯啼推蓬曉色千山

動歷地春雲四望低回首難忘人似玉掃愁安得醉

如泥遊人去後門應揜落盡松花水滿溪

次韻答温州歸途見懷之作

謝鐸

一笑匆匆又出山忽聞優詔自天頒百年官事終

誰了半日浮生愧我閒酒向別懷拚得醉詩從湯興

不須刪問天晴雨何年定丘壑幽情本未慳

只尺泥塗路轉迷幾從風雨怨雞啼天高不見海能

濶雲暗却疑山盡低醉裡且看浮世夢雪中休恨踏

鴻泥何年學得山陰興半夜猶堪到剡溪

文温州示邸報傳余有召命感而賦寄

謝鐸

誰傳邸報又温州消息真應是浪投公論在人何敢

問虛名誤我轉堪羞半生恩苦消埃報萬緒心從老
病休宵旰豈能忘舜禹廟廊元自有伊周

往歲辭 召有作併似宗儒

消息無端又日邊白頭心事轉茫然虛名誤辱銓衡
論病骨終煩 聖主憐不定勢真看局戲最深恩只
是歸田百年岐路知何極學佛還應更學仙

次韻荅方石聞 詔二首 林

豈不懷君夢 帝州其如丘壑久相投地無俗駕青
山重野有遺賢 盛世羞諸葛好從三聘起司空未
得一宜休試將出處評多少巢許無能並傅周
抱膝長吟東海邊無端小用豈其然謝安高卧終當
與韓愈上書真可憐采藻池邊供暮祭會總堂下課

春田山中樂事真堪羨肯羨班生不異仙

聞温州有投効之舉再用前韻奉沮

謝鐸

一麾還鎮海東州何限民情得再投舊俗挽回姦究
讐淫祠廢盡鬼神羞且須爲國頻摩撫未可從人學
退休今日 聖明方在御可應吾道愧東周
九重雲路濶無邊莫漫歸歟興浩然抱負平生殊未
竭疲癯今日正堪憐久知蕉鹿隍中夢誰見滄桑變
後田最是雁山今作長不須還羨地行仙

再疊前韻荅方石見寄 林

白頭憔悴老監州誤綰銅符不可投踈脫豈堪文法
檢流亡自是長官羞孤雲戀岫從來嬾疲馬嘶羣合

少休非是是非非亦是欲將齊物問莊周
誰遣疑言到耳邊白頭歸興已飄然老無治狀直宜
去病在膏肓亦可憐陶令但求樽有酒蘇秦本爲食
無田野人醉飽曾非計解脫塵緣即是僊

自遣二首呈方石

林

從知假面類西京未得逃名學楚狂坐受臺評非過
論自應老子避新郎心懸魏闕雲霄迥夢落吳淞
烟水長細數不堪何止七疆顏一出愧稽康

逐日思歸未得歸傳來劾語發吾機又應芳草悲公
子先倚春風賦式微徹骨踈狂老年甚轉頭富貴昔
人非而今有過不能揜默坐空齋自闔扉

次韻溫州自遣

謝鐸

救弊深嗟作法涼中流誰障海瀾狂吹竿幾見逃齊
國舞袖何須笑部郎但使真心元不愧直看公論後
來長民勞正爾東南甚未放閒身入太康
莫惟逢人苦憶歸宦途真亦是危機獨憐再起新恩
重敢說平生舊念微公自勲名元有分我於富貴又
知非紅塵回首三千丈一笑青山白板扉

感事二首

林

浮湛三十載出守髮成絲寒塞恆生毀明明宿見疑
幾年辭祿卧一出任人嗤不謹原來有今能達
帝知

平生苦行檢到處履顛危諱真成拙爲公寧是癡
歸思東路熟文愧北山移譽毀固難較彼蒼吾敢欺

文韻温州感事

謝鐸

從來羞獻玉老去肯非絲敢說我無愧直教人不疑
迂心天在鑿拙樣世須唾冷煖君休問平生只自知
逢人休慨嘆何者是安危在世誰堪病爲官合了癡
路岐真幻夢桑海亦推移認得初心在端應自不欺

文温州集卷之二

